

本草纲目



文化百科丛书

宋 涛 主编



三

上海出版社

本草纲目



文化百科丛书

主编 宋 涛

辽海出版社



本草纲目第十六卷草部五

草之五 (隰草类下七十三种)

地黄 (本经上品)

【释名】苧 (音户)、芭 (音起)、地髓本经。〔大明曰〕生者以水浸验之，浮者名天黄，半浮半沉者名人黄，沉者名地黄。入药沉珍为佳，半沉者次之，浮者不堪。〔时珍曰〕尔雅云：苧，地黄。郭璞云，江东呼为苧。罗愿云：苧以沉下珍为贵，故字从下。

【集解】〔别录曰〕地黄生成阳川泽黄土地者佳，二月、八月采根阴干。〔弘景曰〕咸阳即长安也。生渭城者乃有子实如小麦。今以彭城干地黄最好，次历阳，近用江宁板桥者为胜。作干者有法，捣汁和蒸，殊用工意；而此云阴干，恐以蒸作为失乎？人亦以牛膝、萎蕤作之，人不能别。〔颂曰〕今处处有之，以同州者为上。二月生叶，布地便出似车前，叶上有皱文而不光。高者及尺余，低者三四寸。其花似油麻花而红紫色，亦有黄花者。其实作房如连翘，中子甚细而沙褐色。根如人手指，通黄色，粗细长短不常。种之甚易，根入土即生。一说：古称种地黄宜黄土。今不然，大宜肥壤虚也，则根大而多汁。其法以苇席围编如车轮，径丈余，以壤土实苇席中为坛。坛上又以苇席实土为一级，比下坛径减一尺。如此数级，如浮屠。乃以地黄根节多者寸断之，蒔坛上，层层令满，逐日水灌，令茂盛。至春秋分时节，自上层取之，根皆长大而不断折，不被斫伤故也。得根暴干。出同州者光润甘美。〔宗奭曰〕地黄叶如甘露子，花如脂麻花，但有细斑点，北人谓之牛奶子花，茎有微细短白毛。〔时珍曰〕今人惟以怀庆地黄为上，亦各处随时兴废不同尔。其苗初生塌地，叶如山白菜而毛涩，叶面深青色，又似小芥叶而颇厚，不叉丫。叶中撞茎，上有细毛。茎梢开小筒子花，红

黄色。结实如小麦粒。根长四五寸，细如手指，皮赤黄色，如羊蹄根及胡萝卜根，曝干乃黑，生食作土气。俗呼其苗为婆婆奶。古人种子，今惟种根。王曼山居录云：地黄嫩苗，摘其旁叶作菜，甚益人。本草以二月、八月采根，殊未穷物性。八月残叶犹在，叶中精气，未尽归根。二月新苗已生，根中精气已溢于叶。不如正月、九月采者殊好，又与蒸曝相宜。礼记云：羊苧豕薇，则自古已食之矣。〔嘉谟曰〕江浙壤地种者，受南方阳气，质虽光润而力微；怀庆山产者，禀北方纯阴，皮有疙瘩而力大。

干地黄

【修治】〔藏器曰〕干地黄，本经不言生干及蒸干。方家所用二物各别，蒸干即温补，生干即平宣，当依此法用。〔时珍曰〕本经所谓干地黄者，即生地黄之干者也。其法取地黄一百斤，择肥者六十斤洗净，晒令微皱。以拣下者洗净，木臼中捣绞汁尽，投酒更捣，取汁拌前地黄，日中晒干，或火焙干用。

【气味】甘，寒，无毒。〔别录曰〕苦。〔权曰〕甘，平。〔好古曰〕甘、苦，寒，气薄味厚，沉而降，阴也。入手足少阴厥阴及手太阳之经。酒浸，上行外行。日干者平，火干者温，功用相同。〔元素曰〕生地黄大寒，胃弱者斟酌用之，恐损胃气。〔之才曰〕得清酒、麦门冬良。恶贝母，畏茺萸。〔权曰〕葱、蒜、萝卜、诸血，令人营卫涩，须发白。〔教曰〕忌铜铁器，令人肾消并发白，男损营，女损卫。〔时珍曰〕姜汁浸则不泥膈，酒制则不妨。鲜用则寒，干用则凉。

【主治】伤中，逐血痹，填骨髓，长肌肉。作汤除寒热积聚，除痹，疗折跌绝筋。久服轻身不老，生者尤良。本经。主男子五劳七伤，女子伤中胞漏下血，破恶血，溺血，利大小肠，去胃中宿食，饱力断绝，补五脏内伤不足，通血脉，益气力，利耳目。别录。助心胆气，强筋骨长志，安魂定魄，治惊悸劳劣，心肺损、吐血鼻衄，妇人崩中血运。大明。产后腹痛。久服变白延年。甄权。凉血生血，补肾水真阴，除皮肤燥，去诸湿

热。元素。主心病掌中热痛，脾气痿蹶嗜卧，足下热而痛。好古。治齿痛唾血。

生地黄

【主治】大寒。治妇人崩中血不止，及产后血上薄心闷绝。作身胎动下血，胎不落，随坠踈折，瘀血留血，鼻衄吐血，皆捣饮之。别录。解诸热，通月水，利水道。捣贴心腹，能消瘀血。甄权。

【发明】〔好古曰〕生地黄入手少阴，又为手太阳之荊，故钱仲阳泻丙火与木通同用以导赤也。诸经之血热，与他药相随，亦能治之。溺血、便血皆同。〔权曰〕病人虚而多热者，宜加用之。〔戴原礼曰〕阴微阳盛，相火炽强，来乘阴位，日渐煎熬，为虚火之证者，宜地黄之属，以滋阴退阳。〔宗奭曰〕本经只言干、生二种，不言熟者。如血虚劳热，产后虚热，老人中虚燥热者，若与生干，当虑太寒，故后世改用蒸曝熟者。生熟之功殊别，不可不详。〔时珍曰〕本经所谓干地黄者，乃阴干、日干、火干者，故又云生者尤良。别录复云生地黄者，乃新掘鲜者，故其性大寒。其熟地黄乃后人复蒸晒者。诸家本草皆指干地黄为熟地黄，虽主治证同，而凉血补血之功稍异，故今别出熟地黄一条于下。

熟地黄

【修治】〔颂曰〕作熟地黄法：取肥地黄三二十斤净洗，别以拣下瘦短者三二十斤捣绞取汁，投石器中，浸漉令淡，甑上浸三四过，时时浸滤转蒸，又暴使汁尽。其地黄当光黑如漆，味甘如饴。须瓷器收之，以其脂柔喜润也。〔教曰〕采生地黄去皮，瓷锅上柳木甑蒸之，摊令气歇。拌酒再蒸，又出令干。勿犯铜铁器，令人肾消并发白，男损营，女损卫也。〔时珍曰〕近时造法：拣取沉水肥大者，以好酒入缩砂仁末在内，拌匀，柳木甑于瓦锅内蒸令气透，晾干。再以砂仁酒拌蒸，如此九蒸九晾乃止。盖地黄性泥，得砂仁之香而窜，合和五脏冲和之气，归宿丹田故也。今市中惟以酒者熟售者，不可用。

【气味】甘、微苦，微温，无毒。〔元素曰〕甘、微苦，寒。假酒力酒蒸，则微温而大补，味厚气薄，阴中之阳，沉也。入手足少阴厥阴之经。治外治上，须酒制。忌萝卜、葱、蒜、诸血。得牡丹皮、当归，和血生血凉血，滋阴补髓。

【主治】填骨髓，长肌肉，生精血，补五脏内伤不足，通血脉，利耳目，黑须发，男子五劳七

伤，女子伤中胞漏，经候不调，胎产百病。时珍。补血气，滋肾水，益真阴，去脐腹急痛，病后胫股酸痛。元素。坐而欲起，目眈眈无所见。好古。

【发明】〔元素曰〕地黄生则大寒而凉血，血热者须用之；熟则微温而补肾，血衰者须用之。又脐下痛属肾经，非熟地黄不能除，乃通肾之药也。〔好古曰〕生地黄治心热、手足心热，入手足少阴厥阴，能益肾水，凉心血，其脉洪实者宜之。若脉虚者，则宜熟地黄，假火力蒸九数，故能补肾中元气。仲景六味丸以之为诸药之首，天一所生之源也；汤液四物汤治藏血之脏，以之为君者，癸乙同归一治也。〔时珍曰〕按王硕易简方去：男子多阴虚，宜用熟地黄；女子多血热，宜用地黄。又云：生地黄能生精血，天门冬引入所生之处；熟地黄能补精血，用麦门冬引入所补之处。虞抟医学正传云：生地黄生血，而胃气弱者服之，恐妨食；熟地黄补血，而痰饮多者服之，恐泥膈。或云：生地黄酒炒则不妨胃，熟地黄姜汁炒则不泥膈。此皆得用地黄之精微者也。〔颂曰〕崔元亮海上方：治一切心痛，无问新久。以生地黄一味，随人所食多少，捣绞取汁，搜面作饅飴或冷淘食，良久当利出虫，长一尺许，头似壁宫，后不复患矣。昔有人患此病二年，深以为恨，临终戒其家人，吾死后当剖去病本。从其言果得虫，置于竹节中，每所食皆饲之。因食地黄饅飴亦与之，随即坏烂。由此得方。刘禹锡传信方亦纪其事云：贞元十年，通事舍人崔抗女，患心痛垂绝，遂作地黄冷淘食，便吐一物，可方寸匕，状如蛤蟆，无足目，似有口，遂愈。冷淘勿着盐。

【附方】旧十三，新五十一。服食法地黄根净洗，捣绞汁，煎令稠，入白蜜更煎，令可丸，丸如梧子大。每晨温酒送下三十丸，日三服。亦可以青州枣和丸。或别以干地黄末入膏，丸服亦可。百日面如桃花，三年身轻不老。抱朴子云：楚文子服地黄八年，夜视有光。地黄煎补虚除热，治吐血唾血，取乳石，去痼疔等疾。生地黄不拘多少，三捣三压，取汁令尽，以瓦器盛之，密盖勿泄气，汤上煮减半，绞去滓，再煎如饴，丸弹子大。每温酒服一丸，日二服。千金方。地黄煎生地黄十斤，洗净，捣压取汁，鹿角胶一斤半，生姜半斤，绞取汁，蜜二升，酒四升。文武火煮地黄汁数沸，即以酒研紫苏子四两，取汁入煎

一二十沸，下胶，胶化，下姜汁、蜜再煎，候稠，瓦器盛之。每空心酒化一匕服，大补益。同上。**地黄粥**大能利血生精。地黄切二合，与米同人罐中煮之，候熟，以酥二合，蜜一合，同炒香入内，再煮熟食。臞仙神隐。**地黄酒**见谷部酒下。**琼玉膏**常服开心益智，发白返黑，齿落更生，辟谷延年。治痼疽癰瘰，咳嗽唾血等病，乃铁瓮城申先生方也。生地黄汁十六斤取汁，人参末一斤半，白茯苓末三斤，白沙蜜十斤，滤净拌匀，入瓶内，箬封，安砂锅中，桑柴火煮三日夜。再换蜡纸重封，浸井底一夜，取起，再煮一伏时。每以白汤或酒点服一匙。丹溪云：好色虚人，咳嗽唾血者，服之甚捷。国朝太医院进御服食，议加天门冬、麦门冬、枸杞子末各一斤，赐名益寿求真膏。臞仙方：加琥珀、沉香半两。明目补肾生芩、熟芩各二两，川椒红一两，为末，蜜丸梧子大，每空心盐汤下三十丸。普济方。固齿乌须一治齿痛，二生津液，三变白须，其功极妙。地黄五斤，柳树甑内，以土盖上，蒸熟晒干。如此三次，捣为小饼。每噙咽一枚。御药院方。男女虚损或大病后，或积劳后，四体沉滞，骨肉酸痛，及吸少气，或小腹拘急，腰背强痛，咽干唇燥，或饮食无味，多卧少起，久者积年，轻者百日，渐至瘦削。用生地黄二斤，面一斤，捣烂，炒干为末。每空心酒服方寸匕，日三服。忌如法。肘后方。虚劳困乏地黄一石，取汁，酒三斗，搅匀煎收。日服。必效方。病后虚汗口干心躁。熟地黄五两，水三盏，煎一盏半，分三服，一日尽。圣惠方。骨蒸劳热张文仲方：用生地黄一升，捣三度，绞尽，分再服。若利即减之，以凉为度。外台秘要。妇人发热欲成劳病，肌瘦食减，经候不调。地髓煎：用干地黄一斤，为末，炼蜜丸梧子大，每酒服五十丸。保庆集。妇人劳热心松。地黄煎：用生干地黄、熟干地黄等分，为末，生姜自然汁，入水相和，打糊丸梧子大。每服三十丸，用地黄汤下，或酒醋茶汤下亦可，日三服。觉脏腑虚冷，则晨服八味丸，地黄性冷坏脾。阴虚则发热，地黄补阴血故也。妇人良方。咳嗽唾血劳瘦骨蒸，日晚寒热。生地黄汁三合，煮白粥临熟，入地黄汁搅匀，空心食之。食医心镜。吐血咳嗽熟地黄末，酒服一钱，日三。圣惠方。吐血不止生地黄汁一升二合，白胶香二两，以瓷器盛，入甑蒸，令胶消，服之。梅师。肺损吐血或舌上有孔出血。生地黄八两取汁，童便

五合同煎热，入鹿角胶炒研一两，分三服。心热吐衄脉洪数者。生芩汁半升，熬至一合，入大黄末一两，待成膏，丸梧子大，每熟水下五丸至十丸。并圣惠方。鼻出衄血干地黄、地龙、薄荷等分，为末，冷水调下。孙兆秘宝方。吐血便血地黄汁六合，铜器煎沸，入牛皮胶一两，待化入姜汁半杯，分三服，便止。或微转一行，不妨。圣惠方。肠风下血生地黄、熟地黄并酒浸，五味子等分，为末，以炼蜜丸梧子大，每酒下七十丸。百一选方。初生便血小儿初生七八日，大小便血出，乃热传心肺。不可服凉药，只以生地黄汁五七匙，酒半匙，蜜半匙，和服之。全幼心鉴。小便尿血吐血，及耳鼻出血。生地黄汁半斤，生姜汁半合，蜜一合，和服。圣惠方。小便血淋生芩地黄汁、车前叶汁各三合，和煎服。圣惠方。小儿蛊痢生汁一升二合，分三四服，立效。子母秘录。月水不止生地黄汁，每服一盏，酒一盏，煎服，日二次。千金方。月经不调久而无子，乃冲任伏热也。熟地黄半斤，当归二两，黄连一两，并酒浸一夜，焙研为末，炼蜜丸梧子大。每服七十丸，米饮温酒任下。禹讲师方。妊娠漏胎下血不止。百一方：用生地黄汁一升，渍酒四合，煮三五沸服之。不止又服。崔氏方：用生地黄为末，酒服方寸匕，日一夜一。经心录：加干姜为末。保命集：二黄丸：用生地黄、熟地黄等分，为末。每服半两，白术、枳壳煎汤，空心调下，日二服。妊娠胎痛妊妇冲任脉虚，惟宜抑阳助阴。内补丸：用熟地黄二两，当归一两，微妙为末，梧子大，每温酒下三十丸。许学士本事方。妊娠胎动生地黄捣汁，煎沸，入鸡子白一枚，搅服。圣惠方。产后血痛有块，并经脉行后，腹痛不调。黑神散：用熟地黄一斤，陈生姜半斤，同炒干为末。每服二钱，温酒调下。妇人良方。产后恶血不止。干地黄捣末，每食前热酒服一钱，连进三服。瑞竹堂方。产后中风肋不得转。交加散：用生地黄五两研汁，生姜五两取汁，交互相浸一夕，次日各炒黄，浸汁干，乃焙为末。每酒服一方寸匕。济生方。产后烦闷乃血气上冲。生地黄汁、清酒各一升，相和煎沸，分二服。集验方。产后百病地黄酒：用地黄汁渍曲二斤，净秫米二斗，令发，如常酿之。至熟，封七日，取清，常服令相接。忌生冷蒜鸡猪肉一切毒物。未产先一月酿成。夏月不可造。千金翼方。胞衣不出生地黄汁一升，苦酒三合，相和

暖服。必效方。寒疝绞痛来去，用乌鸡一只，治如常法。生地黄七斤，锉细，甑中同蒸，下以铜器承取汁，清旦服，至日晡令尽。其问当下诸寒讫，作白粥食之。久疝者作三剂。肘后方。小儿阴肿以葱椒汤暖处洗之，唾调地黄末傅之，外肾热者，鸡子清调。或加牡蛎少许。危氏方。小儿热病壮热烦渴，头痛。生地黄汁三合，蜜半合，和匀，时时与服。普济方。热喝昏沉地黄汁一盞服之。热瘴昏迷烦闷，饮水不止，至危者，一服见效。生地黄根、生薄荷叶等分，搗烂，取自然汁，入麝香少许，并花水调下，觉心下顿凉，勿再服。普济方。温毒发斑黑膏：治温毒发斑呕逆。生地黄二两六钱二分半，好豆豉一两六钱二分半，以猪膏十两合之，露一夜，煎减三分之一，绞去滓，入雄黄、麝香如豆大，搅匀，分作三服，毒从皮中出则愈。忌芜荑。千金方。血热生癰地黄汁频服之。千金方。疔肿乳痈地黄捣敷之，热即易。性凉消肿，无不效。梅师方，痈疔恶肉地黄三斤，水一斗，煮取三升，去滓煎稠，涂纸上贴之，日三易。鬼遗方。一切痈疽及打扑伤损，未破疼痛者。以生地黄杵如泥，摊在上，掺木香末于中，又摊地黄泥一重贴之，不过三五度即内消也，王袞博济方。打扑损伤骨碎及筋伤烂。用生地黄熬膏裹之。以竹筒编夹急缚，勿令转动。一日一夕，可十易之，则瘥。类说云：许元公过桥堕马，右臂白脱，左右急接入臼中，昏迷不知痛苦。急召田录事视之，曰：尚可救。乃经药封肿处，中夜方苏，达旦痛止，痛处已白。日日换贴，其瘀肿移至肩背，乃以药下去黑血三升而愈。即上方也。出肘后方中。损伤打扑瘀血在腹者。用生地黄汁三升，酒一升半，煮二升半，分三服。出千金方。物伤睛突轻者脸胞肿痛，重者目睛突出，但目系未断者，即纳入，急捣生地黄，绵裹傅之。仍以避风膏药，护其四边。圣济总录。睡起目赤肿起，良久如常者，血热也。卧则归于肝，故热则目赤肿。良久血散，故如常也。用生地黄汁，浸梗米半升，晒干，三浸三晒。每夜以米煮粥食一盞，数日即愈。有人病此，用之得效。医余。眼暴赤痛水洗生地黄、黑豆各二两，捣膏。卧时以盐汤洗目，闭目以药厚罨目上，至晓，水润取下。圣济总录。毒内赤目生地黄薄切，温水浸贴。小品方。牙疳宣露脓血口气。生地黄一斤，盐二合，末，自捣和团，以面包煨令烟断，去面入麝一分，

研匀，日夜贴之。圣济录。牙齿挺长出一分者。常昨生地黄，甚妙。张文仲备急方。牙动欲脱生地黄绵裹啞之，令汁渍根，并啞之，日五六次。千金方。食蟹螯肿肉弩出者。生地黄汁一碗，牙皂角数条炙炙，蘸尽地黄汁，为末傅之。永类铃方。耳中常鸣生地黄截，塞耳中，日数易之，或煨熟，尤妙。肘后方。须发黄赤生地黄一斤，生姜半斤，各洗，研自然汁，留滓。用不蛀皂角十条，去皮弦，蘸汁，炙至汁尽为度。同滓入罐内泥固，煨存性，为末，用铁器盛。末三钱汤调，停二日，临卧刷染须发上，即黑。本事方。竹木入肉生地黄嚼烂罨之。救急之。毒箭入肉煎生地黄汁作丸服，至百日，箭出。千金方。狮犬咬伤地黄捣汁，饮，并涂之，百度愈。百一方。

叶

【主治】恶疮似癰，十年者，捣烂日涂，盐汤先洗。千金方〔时珍曰〕按抱朴子云：韩子治用地黄苗喂五十岁老马，生三驹，又一百三十岁乃死也。张鹭朝野金载云：雉被鹰伤，衔地黄叶点之；虎中药箭，食清泥解之。鸟兽犹知解毒，何况人乎？

实

【主治】四月采，阴干捣末，水服方寸匕，日三服，功与地黄等。苏颂。〔弘景曰〕出渭城者有子，淮南七精丸用之。

花

【主治】为末服食，功同地黄。苏颂。肾虚腰痛，为末，酒服方寸匕，日三。时珍。

【附方】新一。内障青盲风赤生翳，及坠眼日久，瞳损失明。地黄花晒、黑豆花晒、槐花晒各一两，为末。猪肝一具，同以水二斗，煮至上有凝脂，掠尽瓶收。每点少许，三四次。圣惠方。

【附录】胡面莽拾遗。〔藏器〕味甘，温，无毒。主去痃瘤及冷气，止腹痛，煮服。生岭南，叶如地黄。

牛膝（本经上品）

【释名】牛茎广雅、百倍本经、山苋菜救荒、对节菜〔弘景曰〕其茎有节，似牛膝，故以为名。〔时珍曰〕本经又名百倍，隐语也，言其滋补之功，如牛之多力也。其叶似苋，其节对生，故俗

有山茛、对节之称。

【集解】〔别录曰〕牛膝生河内川谷及临朐，二月、八月、十月采根，阴干。〔普曰〕叶如夏蓝，茎本赤。〔弘景曰〕今出近道蔡州者，最长大柔润。其茎有节，茎紫节大者为雄，青细者为雌，以雄为胜。〔大明曰〕怀州者长白，苏州者色紫。〔颂曰〕今江淮、闽粤、关中亦有之，然不及怀庆者为真。春生苗，茎高二三尺，青紫色，有节如鹤膝及牛膝。头叶尖圆如匙，两两相对。于节上生花作穗，秋结实甚细。以根极长大至三尺而柔润者为佳。茎叶亦可单用。〔时珍曰〕牛膝处处有之，谓之土牛膝，不堪服食。惟北土及川中人家栽蒔者为良。秋间收子，至春种之。其苗方茎暴节，叶皆对生，颇似苋叶而长且尖。秋月开花，作穗结子，状如小鼠负虫，有涩毛，皆贴茎倒生。九月末取根，水中浸两宿掇去皮，裹扎暴干，虽白直可贵，而掇去白汁入药，不如留皮者力大也。嫩苗可作菜茹。

根

【修治】〔敎曰〕凡使去头芦，以黄精自然汁浸一宿，漉出，铄，焙干用。〔时珍曰〕今惟以酒浸入药，欲下行则生用，滋补则焙用，或酒拌蒸过用。

【气味】苦、酸，平，无毒。〔普曰〕神农：甘。雷公：酸，无毒。〔李当之〕温。〔之才曰〕恶萤火、龟甲、陆英，畏白前，忌牛肉。

【主治】寒湿痿痹，四肢拘挛，膝痛不可屈伸，逐血气，伤热火烂，堕胎。久服轻身耐老。本经。疗伤中少气，男子阴消，老人失溺，补中续绝，益精利阴气，填骨髓，止发白，除脑中痛及腰脊痛，妇人月水不通，血结。别录。治阴痿，补肾，助十二经脉，逐恶血。甄权。治腰膝软怯冷弱，破癥结，排脓止痛，产后心腹痛并血运，落死胎。大明。强筋，补肝脏虚。好古。同苳蓉浸酒服，益肾。竹木刺入肉，嚼烂罨之，即出。宗奭。治久疟寒热，五淋尿血，茎中痛，下痢，喉痹口疮齿痛，痛肿恶疮伤折。时珍。

【发明】〔权曰〕病人虚羸者，加而用之。〔震亨曰〕牛膝能引诸药下行，筋骨痛风在下者，宜加用之。凡用土牛膝，春夏用叶，秋冬用根，惟叶汁效尤速。〔时珍曰〕牛膝乃足厥阴、少阴之药。所主之病，大抵得酒则能补肝肾，生用则能去恶血，二者而已。其治腰膝骨痛、足痿阴消、失溺久疟、伤中少气诸病，非取其补肝肾

之功欤？其癥瘕心腹诸痛、痛肿恶疮、金疮折伤、喉齿、淋痛尿血、经候胎产诸病，非取其去恶血之功欤？按陈日华经验方云：方夷吾所编集要方，予刻之临汀。后在鄂渚，得九江守王南强书云：老人久苦淋疾，百药不效。偶见临汀集要方中用牛膝者，服之而愈。又叶朝议亲人患血淋，流下小便在盆内凝如茱萸，久而有变如鼠形，但无足尔。百治不效。一村医用牛膝根煎脓汁，日饮五服，名地髓汤。虽未即愈，而血色渐淡，久乃复旧。后十年病又作，服之又瘥。因检本草，见肘后方治小便不利茎中痛欲死，用牛膝并叶，以酒煮服之，今再拈出，表其神功。又按杨士瀛直指方云：小便淋痛，或尿血，或沙石胀痛。用川牛膝一两，水二盏，煎一盏，温服。一妇患此十年，服之得效。杜牛膝亦可，或入麝香、乳香尤良。

【附方】旧十三，新八。劳疟积久不止者。长牛膝一握，生切，以水六升，煮二升，分三服。清早一服，未发煎一服，临发时一服。外台秘要。消渴不止下元虚损，牛膝五两为末，生地黄汁五升浸之，日曝夜浸，汁尽为度，蜜丸梧子大，每空心温酒下三十丸。久服壮筋骨，驻颜色，黑发，津液自生。经验方。卒暴癥瘕腹中有如石刺，昼夜啼呼。牛膝二斤，以酒一斗渍之，密封，于灰火中温令味出。每服五合至一升，随量饮。肘后方。痢下肠蛊凡痢下应先白后赤，若先赤后白为肠蛊。牛膝二两捣碎，以酒一升渍经一宿。每服。一两杯，日三服。肘后方。妇人血块土牛膝根洗切，焙捣为末，酒煎温服，极效。福州人单用之。图经本草。女人血病万病丸：治女人月经淋闭，月信不来，绕脐寒疝痛，及产后血气不调，腹中结癥瘕不散诸病，牛膝酒浸一宿焙，干漆炒令烟尽，各一两，为末，生地黄汁一升，入石器内，慢火熬至可丸，丸如梧子大，每服二丸，空心米饮下。拔萃方。妇人阴痛牛膝五两，酒三升，煮取一升半，去滓，分三服。千金方。生胎欲去牛膝一握捣，以无灰酒一盏，煎七分，空心服，仍以独根土牛膝涂麝香，插入牝户中。妇人良方。胞衣不出牛膝八两，葵子一合，水九升，煎三升，分三服。延年方。产后尿血川牛膝水煎频服。熊氏补遗。喉痹乳蛾新鲜牛膝根一握，艾叶七片，捣和人乳，取汁灌入鼻内。须臾痰涎从口鼻出，即愈。无艾亦可。一方：牛膝捣汁，和陈酢灌之。口舌疮烂牛膝浸酒含漱，

亦可煎饮。肘后方。牙齿疼痛牛膝研末含漱。亦可烧灰。千金方。折伤内脑杜牛膝捣罨之。卫生易简方。金疮作痛生牛膝捣敷，立止。梅师方。卒得恶疮人不识者。牛膝根捣傅之。千金方。痈疔已溃用牛膝根略刮去皮，插入疮口中，留半寸在外，以嫩橘叶及地锦草各一握，捣其上。牛膝能去恶血，二草温凉止痛，随干随换，有十全之功也。陈日华经验方。风瘙瘾疹及痞瘤牛膝末，酒服方寸匕，日三服。千金方。骨疽癰病方同上。

茎叶

【主治】寒湿痿痹，老症淋秘，诸疮。功同根，春夏宜用之。时珍。

【附方】旧三，新一。气湿痹痛腰膝痛。用牛膝叶一斤切，以米三合，于豉汁中煮粥，和盐酱空腹食之。圣惠方。老症不断牛膝茎叶一把切，以酒三升渍服，令微有酒气。不即断，更作，不过三剂止。肘后方。溪毒寒热东间有溪毒中人，似射工，但无物。初病恶寒发热烦懊，骨节强痛。不急治，生虫食脏杀人。用雄牛膝茎紫色节大者一把，以酒、水各一杯同捣，绞汁温饮，日三服。肘后方。眼生珠管牛膝并叶捣汁，日点三四次。圣惠方。

紫菀（本经中品）

【释名】青菀别录、紫菀别录、返魂草纲目、夜牵牛〔时珍曰〕其根色紫而柔宛，故名。许慎说文作茈菀。斗门方谓之返魂草。

【集解】〔别录曰〕紫菀生汉中、房陵山谷及真定、邯郸。二月、三月采根，阴干。〔弘景曰〕近道处处有之。其生布地，花紫色，本有白毛，根甚柔细。有白者名白菀，不复用。〔大明曰〕形似重台，根作节，紫色润软者佳。〔颂曰〕今耀、成、泗、寿、台、孟、兴国诸州皆有之。三月内布地生苗，其叶二四相连，五月、六月内开黄白紫花，结黑子。余如陶说。〔恭曰〕白菀，即女菀也。疗体与紫菀相同，元紫菀时亦用之。〔颖曰〕紫菀连根叶采之，醋浸，入少盐收藏，作菜辛香，号名仙菜。盐不宜多，则腐也。〔时珍曰〕按陈自明云：紫菀以牢山所出根如北细辛者为良，沂兖以东皆有之。今人多以车前、旋覆根赤土染过伪之。紫菀肺病要药，肺本自亡津液，又

服走津液药，为害滋甚，不可不慎。

根

【修治】〔教曰〕凡使先去须。有白如练色者，号曰羊须草，自然不同。去头及土，用东流水洗净，以蜜浸一宿，至明于火上焙干用。一两用蜜二分。

【气味】苦，温，无毒。〔别录曰〕辛。〔权曰〕苦，平。〔之才曰〕款冬为之使。恶天雄、瞿麦、藁本、雷丸、远志，畏茵陈。

【主治】咳逆上气，胸中寒热结气，去蛊毒瘰癧，安五脏。本经。疗咳唾脓血，止喘悸，五劳体虚，补不足，小儿惊痫。别录。治尸疰，补虚下气，劳气虚热，百邪鬼魅。甄权。调中，消痰止渴，润肌肤，添骨髓。大明。益肺气，主息贲。好古。

【附方】旧三，新四。肺伤咳嗽紫菀五钱，水一盞，煎七分，温服，日三次。卫生易简方。久嗽不瘥紫菀、款冬花各一两，百部半两，捣罗为末。每服三钱，姜三片，乌梅一个，煎汤调下，日二，甚佳。图经本草。小儿咳嗽声不出者。紫菀末、杏仁等分，入蜜同研，丸芡子大。每服一丸，五味子汤化下。全幼心鉴。吐血咳嗽吐血后咳者。紫菀、五味炒为末，蜜丸芡子大，每含化一丸。指南方。产后下血紫菀末，水服五撮。圣惠方。缠喉风痹不通欲死者。用返魂草根一茎，洗净纳入喉中，待取恶涎出即瘥，神效。更以马牙消津咽之，即绝根本。一名紫菀，南人呼为夜牵牛。斗门方。妇人小便卒不得出者。紫菀为末，井华水服三撮，即通。小便血者，服五撮立止。千金方。

女菀（本经中品）

【释名】白菀别录、织女菀别录、女复广雅、茆（音柳）。〔时珍曰〕其根似女体柔婉，故名。

【集解】〔别录曰〕女菀生汉中山谷或山阳。正月、二月采，阴干。〔弘景曰〕比来医方无复用之。复有白菀似紫菀，恐非此也。〔恭曰〕白菀即女菀，有名未用重出一条，故陶说疑之。功与紫菀相似。〔宗奭曰〕女菀即白菀，非二物也。唐修本草删去白菀，甚合宜。〔时珍曰〕白菀，即紫菀之色白者也。雷教言，紫菀白如练色者，名羊须草，恐即此物也。

根

【气味】辛，温，无毒。〔之才曰〕畏卤碱。

【主治】风寒洗洗，霍乱泄痢，肠鸣上下无常处，惊病寒热百疾。本经。疗肺伤咳逆出汗，久寒在膀胱支满，饮酒夜食发病。别录。

【发明】〔时珍曰〕按葛洪肘后方载治人面黑令白方：用真女菀三分，铅丹一分，为末。醋浆服一刀圭，日三服。十日大便黑，十八日面如漆，二十一日全白便止，过此大白矣。年三十后不可服。忌五辛。孙思邈千金方用酒服，男十日，女二十日，黑色皆从大便出也。又名医录云：宋兴国时，有女任氏色美，聘进士王公辅，不遂意，郁久面色渐黑。母家求医。一道人用女真散，酒下二钱，一日二服。数日面貌微白，一月如故。恳求其方，则用黄丹、女菀二物等分尔。据此，则葛氏之方，已试有验者矣。然则紫菀治手太阴血分，白菀手太阴气分药也。肺热则面紫黑，肺清则面白。三十岁以后则肺气渐减，不可复泄，故云不可服之也。

麦门冬(本经上品)

【释名】麦冬(音门)、秦名乌韭、齐名爱韭、楚名马韭、越名羊韭并别录、禹韭吴普、禹余粮别录、忍冬吴普、忍凌吴普、不死草吴普、阶前草

〔弘景曰〕根似小麦，故谓之麦门冬。〔时珍曰〕麦须日薺，此草根似麦而有须，其叶如韭，凌冬不凋，故谓之麦薺冬，及有诸韭，忍冬诸名。俗作门冬，便于字也。可以服食断谷，故又有余粮、不死之称。吴普本草：一名仆垒，一名随脂。

【集解】〔别录曰〕麦门冬叶如韭，冬夏长生。生函谷川谷及堤坂肥土石间久废处。二月、八月、十月采根，阴干。〔普曰〕生山谷肥地，丛生，叶如韭，青黄。采无时。〔弘景曰〕函谷即秦关。处处有之，冬月作实如青珠，以四月采根，肥大者为好。〔藏器曰〕出江宁者小润，出新安者大白。其苗大者如鹿葱，小者如韭叶，大小有三四种，功用相似，其子圆碧。〔颂曰〕所在有之。叶青似莎草，长及尺余，四季不凋。根黄白色有须在，根如连珠形。四月开淡红花，如红蓼花。实碧而圆如珠。江南出者叶大，或

云吴地者尤胜。〔时珍曰〕古人惟用野生者。后世所用多是种蒔而成。其法：四月初采根，于黑壤肥沙地栽之。每年六月、九月、十一月三次上粪及芸灌。夏至前一日取根，洗晒收之。其子亦可种，但成迟尔。浙中来者甚良，其叶似韭而多纵文且坚韧为异。

根

【修治】〔弘景曰〕凡用取肥大者，汤泽，抽去心，不尔令人烦。大抵一斤须减去四五两也。〔时珍曰〕凡入汤液，以滚水润湿，少顷抽去心，或以瓦焙软，乘热去心。若入丸散，须瓦焙热，即于风中吹冷，如此三四次，即易燥，且无损药力。或以汤浸捣膏和药，亦可。滋补药，则以酒浸搗之。

【气味】甘，平，无毒。〔别录曰〕微寒。〔普曰〕神农、岐伯：甘，平。黄帝、桐君、雷公：甘，无毒。李当之：甘、小温。〔杲曰〕甘、微苦，微寒，阳中微阴，降也。入手太阴经气分。〔之才曰〕地黄、车前为之使。恶款冬、苦瓠、苦芙。畏苦参、青蘘、木耳。伏石钟乳。

【主治】心腹结气，肠中伤饱，胃络脉绝，羸瘦短气。久服轻身不老不饥。本经。疗身重目黄，心下支满，虚劳客热，口干燥渴，止呕吐，愈痿蹶，强阴益精，消谷调中保神，定肺气，安五脏，令人肥健，美颜色，有子。别录。去心热，止烦热，寒热体劳，下痰饮。藏器。治五劳七伤，安魂定魄，止嗽，治肺痿吐脓，时疾热狂头痛。大明。治热毒大水，面目肢节浮肿，下水，主泄精。甄权。定肺中伏火，补心气不足，主血妄行，及经水枯，乳汁不下。元素。久服轻身明目。和车前、地黄丸服，去湿痹，变白，夜视有光。藏器。断谷为要药。弘景。

【发明】〔宗奭曰〕麦门冬治肺热之功为多，其味苦，但专泄而不专收，寒多人禁服。治心肺虚热及虚劳。与地黄、阿胶、麻仁，同为润经益血、复脉通心之剂；与五味子、枸杞子，同为生脉之剂。〔元素曰〕麦门冬治肺中伏火、脉气欲绝者，加五味子、人参，三味为生脉散，补肺中元气不足。〔杲曰〕六七月间湿热方旺，人病骨乏无力，身重气短，头旋眼黑，甚则痿软。故孙真人以生脉散补其天元真气。脉者，人之元气也；人参之甘寒，泻火热而益元气；麦门冬之苦寒，滋燥金而清水源；五味子之酸温，泻丙火而补庚金，兼益五脏之气也。〔时珍曰〕按赵继宗儒医

精要云：麦门冬以地黄为使，服之令人头不白，补髓，通肾气，定喘促，令人肌体滑泽，除身上一切恶气不洁之疾，盖有君而有使也。若有君无使，是独行无功矣。此方惟火盛气壮之人服之相宜。若气弱胃寒者，必不可饵也。

【附方】旧三，新九。麦门冬煎补中益心，悦颜色，安神益气，令人肥健，其力甚快。取新麦门冬根去心，捣熟绞汁，和白蜜，银器中重汤煮，搅不停手，候如饴乃成。温酒日日化服之。图经本草。消渴饮水用上元板桥麦门冬鲜肥者二大两。宣州黄连九节者二大两，去两头尖三五节，小刀子调理去皮毛了，吹去尘，更以生布摩拭秤之，捣末。以肥大苦瓠汁浸麦门冬经宿，然后去心，即于臼中捣烂，纳黄连末和捣，并手丸如梧子大，食后饮下五十丸，日再。但服两日，其渴必走。若重者，即初服一百五十丸，二日服一百二十丸，三日一百丸，四日八十丸，五日五十丸。合药要天气晴明之夜，方浸药。须净处，禁妇人鸡犬见之。如觉可时，只服二十五丸。服讫觉虚，即取白羊头一枚治净，以水三大斗煮烂，取汁一斗以来，细细饮之。勿食肉，勿入盐。不过三剂平复也。崔元亮海上集验方。劳气欲绝麦门冬一两，甘草炙二两，粳米半合，枣二枚，竹叶十五片，水二升，煎一升，分三服。南阳活人书。虚劳客热麦门冬煎汤频饮。本草衍义。吐血衄血诸方不效者。麦门冬去心一斤，捣取自然汁，入蜜二合，分作二服，即止。活人心统。衄血不止麦门冬去心、生地黄各五钱，水煎服，立止。保命集。齿缝出血麦门冬煎汤漱之。兰室宝鉴。咽喉生疮脾肺虚热上攻也。麦门冬一两，黄连半两，为末，炼蜜丸梧子大。每服二十丸，麦门冬汤下。普济方。乳汁不下麦门冬去心，焙为末。每用三钱，酒磨犀角约一钱许，温热调下，不过二服便下。熊氏补遗。下痢口渴引饮无度。麦门冬去心三两，乌梅肉二十个，细锉，以水一升，煮取七合，细细呷之。必效方。金石药发麦门冬六两，人参四两，甘草炙二两，为末，蜜丸梧子大。每服五十丸，饮下，日再服。本草图经。男女血虚麦门冬三斤，取汁熬成膏，生地黄三斤，取汁熬成膏，等分，一处滤过，入蜜四之一，再熬成，瓶收。每日白汤点服。忌铁器。医方摘要。

萱草(宋嘉祐)

【释名】忘忧说文、疗愁纲目、丹棘古今注、鹿葱嘉祐、鹿剑土宿、妓女吴普、宜男〔时珍曰〕萱本作谖，谖，忘也。诗云：焉得谖草？言树之背。谓忧思不能自遣，故欲树此草，玩味以忘忧也。吴人谓之疗愁。董子云：欲忘人之忧，则赠之丹棘，一名忘忧故也。其苗煮食，气味如葱，而鹿食九种解毒之草，萱乃其一，故又名鹿葱。周处风土记云：怀妊妇人佩其花，则生男。故名宜男。李九华延寿书云：嫩苗为蔬，食之动风，令人昏然如醉，因名忘忧。此亦一说也。嵇康养生论：神农经言中药养性，故合欢蠲忿，萱草忘忧。亦谓食之也。郑樵通志乃言萱草一名合欢者，误矣。合欢见木部。

【集解】〔颂曰〕萱草处处田野有之，俗名鹿葱。五月采花，八月采根。今人多采其嫩苗及花跗作菹食。〔时珍曰〕萱宜下湿地，冬月丛生。叶如蒲、蒜辈而柔弱，新旧相代，四时青翠。五月抽茎开花，六出四垂，朝开暮落，至秋深乃尽，其花有红黄紫三色。结实三角，内有子大如梧子，黑而光泽。其根与麦门冬相似，最易繁衍。南方草木状言，广中一种水葱，状如鹿葱，其花或紫或黄，盖亦此类也。或言鹿葱花有斑文，与萱花不同时者，谬也。肥土所生，则花厚色深，有斑文，起重台，开有数月；瘠土所生，则花薄而色淡，开亦不久。嵇含宜男花序亦云，荆楚之士号为鹿葱，可以荐菹，尤可凭据。今东人采其花跗干而货之，名为黄花菜。

苗花

【气味】甘，凉，无毒。

【主治】煮食，治小便赤涩，身体烦热，除酒疸。大明。消食，利湿热。时珍。作菹，利胸膈，安五脏，令人好欢乐，无忧，轻身明目。苏颂。

根

【主治】沙淋，下水气。酒疸黄色遍身者，捣汁服。藏器。大热衄血，研汁一大盏，和生姜汁半盏，细呷之。宗奭。吹乳、乳痈肿痛，搗酒服，以滓封之。时珍。

【发明】〔震亨曰〕萱属木，性下走阴分，一名宜男，宁无微意存焉？

【附方】新四。通身水肿鹿葱根叶，晒干为末。每服二钱，入席下尘半钱，食前米饮服。圣惠方。小便不通萱草根煎水频饮。杏林摘要。大便后血萱草根和生姜，油炒，酒冲服。圣济总录。食丹药毒萱草根研汁服之。事林广记。

捶胡根(拾遗)

【集解】〔藏器曰〕生江南川谷荫地，苗如萱草，其根似天门冬。凡用抽去心。

【气味】甘，寒，无毒。

【主治】润五脏，止消渴，除烦去热，明目，功如麦门冬。藏器。

淡竹叶(纲目)

【释名】根名碎骨子。〔时珍曰〕竹叶象形。碎骨言其下胎也。

【集解】〔时珍曰〕处处原野有之，春生苗，高数寸，细茎绿叶，俨如竹米落地所生细竹之茎叶。其根一窠数十须，须上结子，与麦门冬一样，但坚硬尔，随时采之。八九月抽茎，结小长穗。俚人采其根苗，捣汁和米作酒曲，甚芳烈。

【气味】甘，寒，无毒。

【主治】叶：去烦热，利小便，清心。根：能堕胎催生。时珍。

鸭跖草(跖音只 宋嘉祐补)

【释名】芩鸡舌草拾遗、碧竹子同上、竹鸡草纲目、竹时菜同上、淡竹叶同上、耳环草同上、碧蝉花同上、蓝姑草〔藏器曰〕鸭跖生江东、淮南平地。叶如竹，高一二尺，花深碧，好为色，有角如鸟嘴。〔时珍曰〕竹叶菜处处平地有之。三四月生苗，紫茎竹叶，嫩时可食。四五月开花，如蛾形，两叶如翹，碧色可爱。结角尖曲如鸟喙，实在角中，大如小豆。豆中有细子，灰黑而皱，状如蚕屎。巧匠采其花，取汁作画色及彩羊皮灯，青碧如黛也。

苗

【气味】苦，大寒，无毒。

【主治】寒热瘧疾，痰饮疔肿，肉藏涩滞，小儿丹毒，发热狂痢，大腹痞满，身面气肿，热痢，蛇犬咬、痛疽等毒。藏器。和赤小豆煮食，下水气湿痹，利小便。大明。消喉痹。时珍。

【附方】新四。小便不通竹鸡草一两，车前草一两，捣汁入蜜少许，空心服之。集简方。下痢赤白蓝姑草，即淡竹叶菜，煎汤日服之。活幼全书。喉痹肿痛鸭跖草汁点之。袖珍方。五痔肿痛耳花草，碧蝉儿花，授软纳患处，即效。危亦林得效方。

葵(本经上品)

【校正】自菜部移入此。

【释名】露葵纲目、滑菜〔时珍曰〕按尔雅翼云：葵者，揆也。葵叶倾日，不使照其根，乃智以揆之也。古人采葵必待露解，故曰露葵。今人呼为滑菜，言其性也。古者葵为五菜之主，今不复食之，故移入此。

【集解】〔别录曰〕冬葵子生少室山。〔弘景曰〕以秋种葵，覆养经冬，至春作子者，谓之冬葵，入药性至滑利。春葵子亦滑，不堪药用，故是常葵耳。术家取葵子微炒，焯炆(音毕乍)散着湿地，遍踏之，朝种暮生，远不过宿。〔恭曰〕此即常食之葵也。有数种，皆不入药用。〔颂曰〕葵处处有之。苗叶作菜茹，更甘美。冬葵子古方入药最多。葵有蜀葵、锦葵、黄葵、终葵、菟葵，皆有功用。〔时珍曰〕葵菜古人种为常食，今之种者颇鲜，有紫茎、白茎二种，以白茎为胜。大叶小花，花紫黄色，其最小者名鸭脚葵。其实大如指顶，皮薄而扁，实内子轻虚如榆荚仁。四五月种者可留子。六七月种者为秋葵，八九月种者为冬葵，经年收采。正月复种者为春葵。然宿根至春亦生。按王祯农书云：葵，阳草也。其菜易生，郊野甚多，不拘肥瘠地皆有之。为百菜之主，备四时之饌。本丰而耐旱，味甘而无毒。可防荒俭，可以菹腊，其枯柄可以榜族，根子又能疗疾，成无遗弃。诚蔬茹之要品，民生之资益者也。而今人不得食之，亦无种者。

苗

【气味】甘，寒，滑，无毒。为百菜主，其心伤人。别录。〔弘景曰〕葵叶尤冷利，不可多食。〔颂曰〕作菜茹甚甘美，但性滑利，不益人。

〔洗曰〕其性虽冷，若热食之，令人热闷动风气。四月食之，发宿疾。天行病后食之，令人失明。霜葵生食，动五种留饮，吐水。凡服百药，忌食其心，心有毒也。黄背紫茎者，勿食之。不可合鲤鱼黍米酢食，害人。〔时珍曰〕凡被狂犬咬者，永不可食，食之即发。食葵须用蒜，无蒜勿食之。又伏硫黄。

【主治】脾之菜也。宜脾，利胃气，滑大肠。思邈。宜导积滞，妊妇食之，胎滑易生。苏颂。煮汁服，利小肠，治时行黄病。干叶为末及烧灰服，治金疮出血。甄权。除客热，治恶疮，散瘀血，女人带下，小儿热毒下痢丹毒，并宜食之。汪颖。服丹石人宜食。孟诜。润燥利窍，功与子同，同上。

【发明】〔张从正曰〕凡久病大便涩滞者，宜食葵菜，自然通利，乃滑以养窍也。〔时珍曰〕按唐王焘外台秘要云：天行斑疮，须臾遍身，皆戴白浆，此恶毒气也。高宗永徽四年，此疮自西域东流于海内。但煮葵菜叶以蒜齑啖之，则止。又圣惠方亦云：小儿发斑，用生葵菜叶绞汁，少少与服，散恶毒气。按此即今痘疮也。今之治者，惟恐其大小二便频数，泄其元气，痘不起发。葵菜滑窍，能利二便，似不相宜，而昔人赖之，岂古今运气不同，故治法亦随时变易与？

【附方】旧三，新四。天行斑疮方见上。肉锥怪疾有人手足忽长倒生肉刺，如锥，痛不可忍者，但食葵菜即愈。夏子益奇疾方。诸瘰不合先以泔清温洗，拭净，取葵菜微火烘暖贴之，不过二三百叶，引脓尽，即肉生也。忌诸鱼、蒜、房事。必效方。汤火伤疮葵菜为末傅之。食物本草。蛇蝎螫伤葵菜捣汁服之。千金方。误吞铜钱葵菜捣汁冷饮。普济方。丹石发动口干咳嗽者。每食后饮冬月葵齑汁一盞，便卧少时。食疗本草。

根

【气味】甘，寒，无毒。

【主治】恶疮，疗淋，利小便，解蜀椒毒。别录。小儿吞钱不出，煮汁饮之，神妙。甄权。治疳疮出黄汁。孟诜。利窍滑胎，止消渴，散恶毒气。时珍。

【附方】旧五，新七。二便不通胀急者。生冬葵根二斤，捣汁三合，生姜四两，取汁一合，和匀，分二服。连用即通也。消渴引饮小便不利。葵根五两，水三大盞，煮汁，平旦服，日一服。并

圣惠方。消中尿多日夜尿七八升。冬葵根五斤，水五斗，煮三斗。每日平旦服二升。外台秘要。漏胎下血血尽子死。葵根茎烧灰，酒服方寸匕，日三。千金方。瘰疽恶毒肉中忽生一子，大如豆粟，或如梅李，或赤或黑，或白或青，其腐有核，核有深根，应心，能烂筋骨，毒入脏腑即杀人。但饮葵根汁，可拆其热毒，姚僧垣集验方。妒乳乳痈葵茎及子为末，酒服方寸匕，日二。咎殷产宝。身面疮疮出黄汁者，葵根烧灰，和猪脂涂之。食疗本草。小儿痔疮葵根烧末傅之。外台。小儿紧唇葵根烧灰，酥调涂之。圣惠方。口吻生疮用经年葵根烧灰傅之。外台秘要。蛇虺螫伤葵根捣涂之。古今录验。解防葵毒葵根捣汁饮之。千金方。

冬葵子〔别录曰〕十二月采之。〔机曰〕子乃春生，不应十二月可采也。

【气味】甘，寒，滑，无毒。黄芩为之使。

【主治】五脏六腑，寒热羸瘦，五癰，利小便。久服坚骨长肌肉，轻身延年。本经。疗妇人乳内闭，肿痛。别录。出疽瘤头。孟诜。下丹石毒。弘景。通大便，消水气，滑胎治痢。时珍。

【发明】〔时珍曰〕葵气味俱薄，淡滑为阳，故能利窍通乳，消肿滑胎也。其根叶与子功用相同。按陈自明妇人良方云：乳妇气脉壅塞，乳汁不行，及经络凝滞，乳房胀痛，留蓄作痈毒者。用葵菜子炒香，缩砂仁等分，为末，热酒服二钱。此药滋气脉，通营卫，行津液，极验。乃上蔡张不愚方也。

【附方】旧八，新一十二。大便不通十日至一月者。肘后方：冬葵子三升，水四升，煮取一升服。不瘥更作。圣惠：用葵子末、人乳汁等分，和服立通。关格胀满大小便不通，欲死者。肘后方：用葵子二升，水四升，煮取一升，纳猪脂一鸡子，顿服。千金：用葵子为末，猪脂和丸梧子大。每服五十丸，效止。小便血淋葵子一升，水三升，煮汁，日三服。千金方。妊娠患淋冬葵子一升，水三升，煮二升，分服。千金方。妊娠下血方同上。产后淋沥不通。用葵子一合，朴硝八分，水二升，煎八合，下硝服之。集验方。妊娠水肿身重，小便不利，洒淅恶寒，起即头眩。用葵子、茯苓各三两，为糝。饮服方寸匕，日三服，小便利则愈。若转胞者，加发灰，神效。金匱要略。生产困闷冬葵子一合，捣破，水二升，

煮汁半升，顿服，少时便产。昔有人如此服之，登厕，立扑几于厕中也。倒生口噤冬葵子炒黄为末，酒服二钱匕，效。咎殷产宝。乳汁不通方见发明。胎死腹中葵子为末，酒服方寸匕。若口噤不开者，灌之，药下即苏。千金方。胞衣不下冬葵子一合，牛膝一两，水二升，煎一升服。千金方。血痢产痢冬葵子为末，每服二钱，入蜡茶一钱，沸汤调服，日三。圣惠方。痲疹邪热冬葵子阴干为末，酒服二钱。午日取花授手，亦去痲。圣惠方。痲肿无头孟洗曰：三日后，取葵子一百粒，水吞之，当日即开也。经验方云：只吞一粒即破。如吞两粒，则有两头也。便毒初起冬葵子末，酒服二钱。儒门事亲。面上疮痲冬葵子、柏子仁、茯苓、瓜瓣各一两，为末。食后酒服方寸匕，日二服。陶隐居方。解蜀椒毒冬葵子煮汁饮之。千金方。伤寒劳复葵子二升，梁米一升，煮粥食，取汗立安。圣惠。

蜀葵(宋嘉祐)

【校正】自菜部移入此。并入有名未用别录吴葵华。

【释名】戎葵尔雅、吴葵〔藏器曰〕尔雅云：蒨(音坚)，戎葵也。郭璞注云：今蜀葵也。叶似葵，花如木槿花。戎蜀其所自来，因以名之。〔时珍曰〕罗愿尔雅翼吴葵作胡葵，云胡，戎也。夏小正云，四月小满后五日，吴葵华，别录吴葵，即此也。而唐人不知，退人有名未用。嘉祐本草重于菜部出蜀葵条。盖未读尔雅注及千金方吴葵一名蜀葵之文故也。今并为一。

【集解】〔颂曰〕蜀葵似葵，花如木槿花，有五色。小花者名锦葵，功用更强。〔时珍曰〕蜀葵处处人家植之。春初种子，冬月宿根亦自生苗，嫩时亦可茹食。叶似葵菜而大，亦似丝瓜叶，有歧叉。过小满后长茎，高五六尺。花似木槿而大，有深红浅红紫黑白色，单叶千叶之异。昔人谓其疏茎密叶、翠萼艳花、金粉檀心者，颇善状之。惟红白二色入药。其实大如指头，皮薄而扁，内仁如马兜铃仁及茺葚仁，轻虚易种。其桔剥皮，可缉布作绳，一种小者名锦葵，即荆葵也。尔雅谓之蒨(音乔)。其花大如五铢钱，粉红色，有紫缕文。掌禹锡补注本草，谓此即戎葵，非矣。然功用亦相似。

苗

【气味】甘，微寒，滑，无毒。〔思邈曰〕不可久食，钝人志性。若被狗啗者食之，永不瘥也。〔李廷飞曰〕合猪肉食，人无颜色。

【主治】除客热，利肠胃。思邈。煮食，治丹石发热，大人小儿热毒下痢。藏器。作蔬食，滑窍治淋，润燥易产。时珍。捣烂涂火疮，烧研傅金疮。大明。

根茎

【主治】客热，利小便，散脓血恶汁。藏器

【发明】〔宗奭曰〕蜀葵，四时红色、单叶者根，阴干，治带下，排脓血恶物，极验也。

【附方】新七。小便淋痛葵花根洗锉，水煎五七沸，服之如神。卫生宝鉴。小便血淋葵花根二钱，车前子一钱，水煮，日服之。简便单方。小便尿血葵茎，灰酒服方寸匕，日三。千金。肠胃生痲怀忠丹：治内痲有败血，腥秽殊甚，脐腹冷痛，用此排脓下血。单叶红蜀葵根、白芷各一两，白枯矾、白芍药各五钱，为末，黄蜡溶化，和丸梧子大，每空心米饮下二十丸。待脓血出尽，服十宣散补之。坦仙皆效方。诸疮肿痛不可忍者。葵花根去黑皮，捣烂，入井花水调稠贴之。普济方。小儿吻疮经年欲腐。葵根烧研傅之。圣惠方。小儿口疮赤葵茎炙干为末，蜜和含之。圣惠方。

吴葵华别录

【气味】咸，寒，无毒。〔禹锡曰〕蜀葵华，甘，冷，无毒。

【主治】理心气不足。别录。小儿风疹痲症。嘉祐。治带下，目中溜火，和血润燥，通窍，利大小肠。时珍。

【发明】〔张元素曰〕蜀葵花，阴中之阳也。赤者治赤带，白者治白带，赤者治血燥，白者治气燥，皆取其寒滑润利之功也。又紫葵花，入染髭发方中用。

【附方】旧二，新五。二便关格胀闷欲死，二三日则杀人。蜀葵花一两捣烂，麝香半钱，水一大盏，煎服。根亦可用。痲疹邪热蜀葵花白者，阴干为末，服之。午日取花授手，亦能去痲。苏颂图经本草。妇人带下脐腹冷痛，面色痿黄，日渐虚困。用葵花一两，朗干为末，每空心温酒服二钱匕。赤带用赤葵，白带用白葵。圣惠方。横生倒产葵花为末，酒服方寸匕。千金方。酒齁赤鼻蜀葵花研末，腊猪脂和匀，夜傅旦洗。

仁存方。误吞针钱葵花煮汁服之。普济方。蜂蝎螫毒五月五日午时，收蜀葵花、石榴花、艾心等分，阴干为末，水调涂之。肘后方。

子

【气味】甘，冷，无毒。

【主治】淋涩，通小肠，催生落胎，疗水肿，治一切疮疥并癰疽赤腐。大明。

【发明】〔时珍曰〕按杨士瀛直指方云：蜀葵子炒，入宣毒药中最验。又催生方：用子二钱，滑石三钱，为末。顺流水服五钱，即下。

【附方】旧一，新二。大小便闭不通者。用白花胡葵子为末，煮浓汁服之。千金方。石淋破血五月五日，收葵子炒研，食前温酒下一钱，当下石出。圣惠方。痈肿无头蜀葵子为末，水调傅之。经验后方。

菟葵（唐本草）

【释名】天葵图经、菟（音希）、雷丸草外丹本草。

【集解】〔恭曰〕菟葵苗如石龙芮，而叶光泽，花白似梅，其茎紫黑，煮啖极滑。所在下泽田间皆有，人多识之。六月、七月采茎叶，晒干入药。〔禹锡曰〕郭璞注尔雅云：菟葵似葵而小，叶状如藜，有毛，灼之可食而滑。〔宗奭曰〕菟葵，绿叶如黄蜀葵，其花似拒霜，甚雅，其形至小，如初开单叶蜀葵。有檀心，色如牡丹姚黄，其叶则蜀葵也。唐刘梦得所谓菟葵燕麦动摇春风者，是也。〔时珍曰〕按郑樵通志云：菟葵，天葵也。状如葵菜，叶大如钱而厚，面青背微紫，生于崖石。凡丹石之类，得此而后能神。所以雷公炮炙论云，如要形坚，岂忘紫背，谓其能坚铅也。此说得于天台一僧。又按南唐从岫嵎神书云：紫背天葵出蜀中，灵草也。生于水际。取自然汁煮汞则坚，亦能煮八石拒火也。又按初虞世古今录验云：五月五前斋戒，看桑下有菟葵者，至五日午时，至桑下咒曰：系黎乎俱当苏婆河。咒毕，乃以手摩桑阴一遍，口啮菟葵及五叶草嚼熟，以唾涂手，熟揩令遍。再斋七日，不得洗手。后有蛇虫蝎蚤咬伤者，以此手摩之，即愈也。时珍谓古有咒由一科，此亦其类，但不知必用菟葵，取何义也？若谓其相制，则治毒虫之草亦多矣。

苗

【气味】甘，寒，无毒。

【主治】下诸石五淋，止虎蛇毒。诸疮捣汁饮之，涂疮能解毒止痛。唐本。

黄蜀葵（宋嘉祐）

【校正】自菜部移入此。

【释名】〔时珍曰〕黄蜀葵别是一种，宜入草部，而嘉祐本草定入菜部，为其与蜀葵同名，而气味主治亦同^①故也。今移于此。

【集解】〔禹锡曰〕黄蜀葵花，近道处处有之。春生苗叶，颇似蜀葵，而叶尖狭多刻缺，夏末开花浅黄色，六七月采，阴干之。〔宗奭曰〕黄蜀葵与蜀葵别种，非是蜀葵中黄者也。叶心下有紫檀色，摘下剔散，日干之。不尔，即烂也。〔时珍曰〕黄葵二月下种，或宿子在土自生，至夏始长。叶大如蓖麻叶，深绿色，开歧丫，有五尖如人爪形，旁有小尖。六月开花，大如碗，鹅黄色，紫心六瓣而侧，旦开午收暮落，人亦呼为侧金盏花。随即结角，大如拇指，长二寸许，本大末尖，六棱有毛，老则黑色。其棱自绽，内有六房，如脂麻房。其子累累在房内，状如苘麻子，色黑。其茎长者六七尺，剥皮可作绳索。

花

【气味】甘，寒，滑，无毒。

【主治】小便淋及催生。治诸恶疮脓水久不瘥者，作末傅之即愈，为疮家要药。嘉祐。消痈肿。浸酒，涂汤火伤。时珍。

【附方】新八。沙石淋痛黄蜀葵花一两，炒为末，每米饮服一钱，名独圣散。普济方。难产催生如圣散：治胎脏干涩难产，剧者并进三服，良久腹中气宽，胎滑即下也。用黄蜀葵花焙研末，熟汤调服二钱。无花，用子半合研末，酒淘去滓，服之。产宝鉴。胎死不下即上方，用红花酒下。痈疽肿毒黄蜀葵花，用盐掺，收瓷器中，密封，经年不坏。每用傅之，自平自溃。元花，用根叶亦可。直指方。小儿口疮黄蜀葵花，烧末敷之。肘后方。小儿木舌黄蜀葵花为末一钱，黄丹五分，傅之。直指方。汤火灼伤用瓶盛麻油，

① 同：原脱，据张本补入。

以箸就树夹取黄葵花，收入瓶内，勿犯人手，密封收之。遇有伤者，以油涂之甚妙。经验方。小儿秃疮黄蜀葵花、大黄、黄芩等分，为末。米泔净洗，香油调搽。普济方。

子及根

【**气味**】甘，寒，滑，无毒。

【**主治**】痈肿，利小便，五淋水肿，产难，通乳汁。时珍。

【**发明**】〔颂曰〕冬葵、黄葵、蜀葵，形状虽各不同，而性俱寒滑，故所主疗不甚相远。〔时珍曰〕黄葵子古方少用，今为催生及利小便要药。或用，或入汤散皆宜，盖其性滑，与冬葵子同功故也。花、子与根性功相同，可以互用。无花用子，无子用根。

【**附方**】旧二，新三。临产催生〔宗奭曰〕临产时以四十九粒研烂，温水服之，良久即产。经验方。用子焙研三钱，并花水服。无子用根，煎汁服。便痢初起准人用黄蜀葵子七七粒，皂角半挺，为末，以石灰同醋调涂之。永类铃方。痈肿不破黄葵子研，酒服，一粒则一头，神效。卫生易简方。打扑伤损黄葵子研，酒服二钱。海方。

龙葵（唐本草）

【**校正**】并入图经老鸦眼睛草。

【**释名**】苦葵图经、苦菜唐本、天茄子图经、水茄纲目、天泡草纲目、老鸦酸浆草纲目、老鸦眼睛草图经。〔时珍曰〕龙葵，言其性滑如葵也。苦以菜味名，茄以叶形名，天泡、老鸦眼睛皆以子形名也。与酸浆相类，故加老鸦以别之。五爪龙亦名老鸦眼睛草，败酱、苦苣并名苦菜，名同物异也。

【**集解**】〔弘景曰〕益州有苦菜，乃是苦苣〔恭曰〕苦苣即龙葵也，俗亦名苦菜，非茶也。龙葵所在有之，关河间谓之苦菜，叶圆花白，子若牛李子，生青熟黑，但堪煮食，不任生啖。〔颂曰〕龙葵近处亦稀，惟北方有之，人谓之苦葵。叶圆似排风而无毛，花白色，子亦似排风子，生青熟黑，其赤者名赤珠，亦可入药。又曰：老鸦眼睛草，生江湖间。叶如茄子叶，故名天茄

子。或云，即漆姑草也。漆姑即蜀羊泉，已见本经草部。人亦不能决识之。〔时珍曰〕龙葵、龙珠，一类二种也，皆处处有之，四月生苗，嫩时可食，柔滑。渐高二三尺，茎大如箸，似灯笼草而无毛。叶似前叶而小。五月以后，开小白花，五出黄蕊。结子正圆；大如五味子，上有小蒂，数颗同缀，其味酸。中有细子，亦如茄子之子。但生青熟黑者为龙葵，生青熟赤者为龙珠，功用亦相仿佛，不甚辽远。苏颂图经菜部既注龙葵，复于外类重出老鸦眼睛草，盖不知其即一物也。又谓老鸦眼睛是蜀羊泉，误矣。蜀羊泉叶似菊，开紫花，子类枸杞，详见草部本条。杨慎丹铅录，谓龙葵即吴葵，反指本草为误，引素问、千金四月吴葵华为证。盖不知千金方言吴葵即蜀葵，已自明白矣。今并正之。

苗

【**气味**】苦、微甘，滑，寒，无毒。

【**主治**】食之解劳少睡，去虚热肿。唐本。治风，补益男子元气，妇人败血。苏颂。消热散血，压丹石毒宜食之。时珍。

【**附方**】旧一。去热少睡龙葵菜同米，煮作羹粥食之。食医心镜。

茎、叶、根

【**气味**】同苗。

【**主治**】捣烂和土，傅疗肿火丹疮，良。孟洗。疗痈疽肿毒，跌扑伤损，消肿散血。时珍。根与木通、胡荽煎汤服，通利小便。苏颂。

【**附方**】旧四，新八。通利小便方见上。从高坠下欲死者。取老鸦眼睛草茎叶捣汁服，以渣傅患处。唐瑶经验方。火焰丹肿老鸦眼睛草叶，入醋细研傅之，能消赤肿。苏颂图经本草。痈肿无头龙葵茎叶捣傅。经验方。发背痈疽成疮者。苏颂图经云：用龙葵一两为末，麝香一分，研匀，涂之甚善。袖珍方云：一切发背痈疽恶疮。用虾蟆一个，同老鸦眼睛草茎叶捣烂，傅之即散，神效。诸疮恶肿老鸦眼睛草搗酒服，以渣傅之。普济方。疗肿毒疮黑色焮肿者，乃服丹石毒也；赤色者，肉面毒也。用龙葵根一握洗切，乳香末、黄连三两、杏仁六十枚，和捣作饼，

厚如三钱，依疮大小傅之，觉痒即换去。痒不可忍，切勿搔动。候炊久，疮中似石榴子戢戢然，乃去药。时时以甘草汤温洗，洗后似蜡贴之。终身不得食羊血。如无龙葵，以蔓青根代之。圣济总录。天泡湿疮龙葵苗叶捣傅之。吐血不止天茄子苗半两，人参二钱半，为末。每服二钱，新汲水下。圣济总录。辟除蚤虱天茄叶铺于席下，次日尽死。多年恶疮天茄叶贴之，或为末贴。救急良方。产后肠出不收。老鸦酸浆草一把，水煎，先熏后洗，收乃止。救急方。

子七月采之。

【主治】丁肿。唐本。明目轻身甚良。甄权。治风，益男子元气，妇人败血。苏颂。

龙珠(拾遗)

【释名】赤珠 [颂曰]龙葵子赤者名赤珠，象形也。

【集解】[甄权曰]龙葵，赤珠者名龙珠，去汁可食，能变白令黑。[藏器曰]龙珠生道旁，子圆似龙葵，但熟时正赤耳。[时珍曰]龙珠、龙葵，虽以子之黑赤分别，其实一物二色，强分为二也。

苗

【气味】苦，寒，无毒。

【主治】能变白发，令人不睡。主诸热毒，石气发动，调中解烦。藏器。

【发明】[权曰]龙珠，服之变白令黑，耐老。若能生食得苦者，不食他菜，十日后即有灵异也。不与葱、薤同啖。根亦入药用。

子

【气味】同菜。

【主治】疗肿。藏器。

酸浆(本经中品)

【校正】菜部苦耽，草部酸浆、灯笼草，俱并为一。

【释名】醋浆本经、苦葳、(音针)、苦耽嘉祐、灯笼草唐本、皮弁草食疗、天泡草纲目、王母珠嘉祐、洛神珠同上、小者名苦耽。[藏器曰]尔雅：苦葳寒浆也。郭璞注云：即今酸浆，江东

人呼为苦葳，小者为苦耽，亦呼为小苦耽。崔豹古今注云：耽，一名耽子，实形如皮弁，其子圆如珠。[时珍曰]酸浆，以子之味名也；苦葳、苦耽，以苗之味名也。灯笼、皮弁，以角之形名也。王母、洛神珠，以子形名也。按杨慎厄言云：本草灯笼草、苦耽、酸浆，皆一物也。修本草者非一时一人，故重复耳。燕京野果名红姑娘，外垂绛囊，中含赤子如珠，酸甘可食，盈盈绕砌，与翠草同芳，亦自可爱。盖姑娘乃瓜囊之讹，古者瓜姑同音，娘囊之音亦相近耳。此说得之，故今以本经酸浆，唐本草灯笼草，宋嘉祐本草苦耽，俱并为一焉。

【集解】[别录曰]酸浆生荆楚川泽及人家田园中，五月采，阴干。[弘景曰]酸浆处处多有，苗似水茄而小，叶亦可食。子作房，房中有子如梅李大，皆黄赤色，小儿食之。[保升曰]酸浆即苦耽也，根如菹芹，白色绝苦。[禹锡曰]苦耽生故墟垣堑间，高二三尺，子作角，如撮口袋，中有子如珠，熟则赤色。关中人谓之洛神珠，一名王母珠，一名皮弁草。一种小者名苦耽。尔雅谓之黄葳。[恭曰]灯笼草所在有之，枝干高三四尺，有红花状若灯笼，内有红子可爱，根、茎、花、实并入药用。[宗奭曰]酸浆即苦耽也，嘉祐重出苦耽条。天下有之，苗如天茄子，开小白花，结青壳，熟则深红，壳中子大如樱，亦红色，樱中复有细子，如落苏之子，食之有青草气也。[时珍曰]龙葵、酸浆，一类二种也。酸浆、苦耽，一种二物也。但大者为酸浆，小者为苦耽，以此为别。败酱亦名苦葳与此不同。其龙葵、酸浆苗叶一样。但龙葵茎光无毛，五月入秋开小白花，五出黄蕊，结子无壳，累累数颗同枝，子有蒂盖，生青熟紫黑。其酸浆同时开小花黄白色，紫心白蕊，其花如杯状，无瓣，但有五尖，结一铃壳，丹五棱，一枝一颗，下悬如灯笼之状，壳中一子，状如龙葵子，生青熟

赤。以此分别，便自明白。按庚辛玉册云：灯笼草四方皆有，惟川陕者最大。叶似龙葵，嫩时可食。四五月开花结实，有四叶盛之如灯笼，河北呼为酸浆。据此及杨慎之说，则灯笼、酸浆之为一物，尤可证矣。唐慎微以三叶酸草附于酸浆之后。盖不知其名同物异也。其草见草之八，酢浆下。

苗、叶、茎、根

【**气味**】苦，寒，无毒。〔禹锡曰〕有小毒。〔恭曰〕苦，大寒，无毒。〔时珍曰〕方士取汁煮丹砂，伏白矾，煮三黄，炼硝、硫。

【**主治**】酸浆治热烦满，定志益气，利水道。本经。捣汁服，治黄病，多效。弘景。灯笼草治上气咳嗽风热，明目，根茎花实并宜。唐本。苦耽苗子：治传尸伏连，鬼气疰忤邪气，腹内热结，目黄不下食，大小便涩，骨热咳嗽，多睡劳乏，呕逆痰壅，痲癖痞满，小儿无辜疳子，寒热大腹，杀虫落胎，去蛊毒，并煮汁饮，亦生捣汁服。研膏，敷小儿闪癖。嘉祐。

【**发明**】〔震亨曰〕灯笼草，苦能除湿热，轻能治上焦，故主热咳咽痛。此草治热痰咳嗽，佛耳草治寒痰咳嗽也。与片苓清金丸同用，更效。〔时珍曰〕酸浆利湿除热，除热故清肺治咳，利湿故能化痰治疳。一人病虚乏咳嗽有痰，愚以此加入汤中用之，有效。

【**附方**】新三。热咳咽痛灯笼草为末，白汤服，名清心丸。仍以醋调傅喉外。丹溪纂要。喉疮作痛灯笼草，炒焦研末，酒调呷之。医学正传。灸疮不发酸浆叶贴之。

子

【**气味**】酸，平，无毒。〔别录曰〕寒。

【**主治**】热烦，定志益气，利水道，产难吞之立产。别录。食之，除热，治黄病，尤益小儿。苏颂。治骨蒸劳热，尸疰痞瘦，痲癖热结，与苗茎同功。嘉祐。

【**附方**】新二。酸浆实丸治三焦肠胃伏热，妇人胎热难产。用酸浆实五两，芡实三两，马蔺子炒、大盐榆白皮炒二两，柴胡、黄芩、栝楼根、茴茹各一两，为末，炼蜜丸梧子大。每服三十九，木香汤下。圣济总录。天泡湿疮天泡草铃儿生捣敷之。亦可为末，油调敷。邓才杂兴方。

蜀羊泉(本经中品)

【**释名**】羊泉别录、羊饴别录、漆姑草〔时珍曰〕诸名莫解。能治漆疮，故曰漆姑。

【**集解**】〔别录曰〕蜀羊泉生蜀郡山谷。〔弘景曰〕方不复用，人无识者。〔恭曰〕此草俗名漆姑，叶似菊，花紫色，子类枸杞子，根如远志，无心有糝。所在平泽有之，生阴湿地，三月、四月采苗叶阴干。〔藏器曰〕陶注杉材云：漆姑叶细细，多生石边，能疗漆疮。苏云漆姑是羊泉。按羊泉乃大草。漆姑草如鼠迹大，生阶墀间阴处，气辛烈，授傅漆疮，亦主溪毒，乃同名也。〔颂曰〕或言老鸦眼睛草即漆姑草，漆姑乃蜀羊泉，人不能决识。〔时珍曰〕漆姑有二种：苏恭所说是羊泉，陶陈所说是小草。苏颂所说老鸦眼睛草，乃龙葵也。又黄蜂作窠，衔漆姑草汁为蒂，即此草也。

【**气味**】苦，微寒，无毒。

【**主治**】秃疮恶疮热气，疥瘡痲癖虫。本经。疗龋齿，女子阴中内伤，皮间实积。别录。主小儿惊，生毛发，捣涂漆疮。苏恭。蚯蚓气呵者，捣烂入黄丹盒之。时珍。出摘玄方。

【**附方**】新一。黄疸疾漆草一把，捣汁和酒服。不过三五次，即愈。摘玄方。

鹿蹄草(纲目)

【**释名**】小秦王草纲目、秦王试剑草〔时珍曰〕鹿蹄象叶形。能合金疮，故名试剑草。又山慈姑亦名鹿蹄，与此不同。

【**集解**】〔时珍曰〕按轩辕述宝藏论云：鹿蹄多生江广平陆及寺院荒处，淮北绝少，川陕亦有。苗似堇菜，而叶颇大，背紫色。春生紫花。结青实，如天茄子。可制雌黄、丹砂。

【**主治**】金疮出血，捣涂即止。又涂一切蛇虫犬咬毒。时珍。

败酱(本经中品)

【**释名**】苦菜纲目、苦蕒纲目、泽败别录、鹿